

 Андижон вилояти ҳокимлиги расмий портали

Ёқилган хазон – саломатлик күшандаси!



Куз мавсумида ариқлардаги чиқинди, атрофдаги хазонлар, чекка-чеккаларда ёқилаётган хазонлар эътиборингизни тортади. Хазонларни ёкиш атроф-мухит, инсонлар соғлигига, ўсимлик дунёсига зиён етказади.

Баъзида хазонларни тўплаб чиқинди қутиларига ташланаётганлигини, хазонларни ариққа қаратиб супурилаётганлигини гувоҳи бўламиз. Аслида бу ҳам бир фожеа!

Табиий тўкилиш асосида барглар ер юзасига тушиб инсон ва табиат учун заарсиз ҳолатда бўлади. Лекин биз тозаликка эришиш мақсадида қуриган баргларни тўплаб ёқиб юборамиз. Натижада баргларда тўпланган заҳарли газлар яна атмосферага чиқади. Кўпинча хазон билан бирга пластик идишлар, полиэтилен пакетлар ҳам қўшиб ёқилади ва натижада ўзига хос "захарли коктейл" пайдо бўлади.

Куриган барглар ёқилганда ҳосил бўладиган тутундан минглаб одамлар нафас олиб саломатлигини хавф остига қўяди. Биринчи навбатда, бундан одамнинг ўпка тизими заарланади. Заҳарли моддалар қон орқали бутун танага тарқаб, буйрак, жигар, бош мия ва асаб тизимиға катта заар етказади. Айниқса, бу болалар учун жуда ҳам заарли!

Куриган майса ва баргларни ёкиш натижасида тупроқ қатламининг фойдали микроорганизмлари – ёмғирчувалчанглари, майда ҳашаротлар нобуд бўлади. Майсаларга ўт қўйилса, олов жуда тез тарқалиб, бошқариб бўлмай кучга айланади, натижада дараҳтлар, ўрмон ва уйларни кулини кўкка совуриши ҳеч гап эмас.

Кузда дараҳтлардан тўкиладиган сарғайган баргларни ерга кўмилса, келгуси баҳор учун фойдали ўғит бўлади. Йиғилган баргларни қопларга солиб қиши давомида қутилса, улар чириб компосга айланади. Тажрибали боғонлар кузда маҳсус чуқурлар қазиб, тўкилган баргларни шу чуқурларга кўмиб, устидан тупроқ тортишади. Баҳорда чуқур усти очилиб, тайёр бўлган чириндидан дараҳтларга ўғит сифатида фойдаланишади.

Андижон вилоят ҳокимлиги

Матбуот хизмати

www.andijan.uz

[Facebook](#) | [Twitter](#) | [Instagram](#) | [YouTube](#) | [Telegram](#)